




翠  
編




光緒二十五年十一月

蠶桑萃編

二品頂戴軍機處存記前署直隸清河道候補道臣衛杰恭編

中國社會科學院  
圖書館藏書







繪音



大德二十五年十一月

繪音



蠶桑萃編卷首

繪音目錄

康熙三十三年

詔勸農桑

康熙三十五年

御製耕織圖序並詩

雍正二年

聖諭重農桑


光緒二十三年十二月初八日

上諭飭各省舉行蠶政





康熙三十三年四月十三日



蠶桑萃編


綸音卷首

聖祖仁皇帝詔

朕處深宮之中日以閭閻生計為念每巡歷郊甸必循視農桑周諮耕耨田間事宜知之最悉誠能預籌穡事廣備災稜庶幾大有裨益

康熙三十三年四月十三日





御製耕織圖序


朕早夜勤懃研求治理念生民之本以衣食爲天嘗  
讀豳風無逸諸篇其言稼穡蠶桑織悉具備昔人以  
此被之管絃列於典誥有天下國家者徇不可不留  
連三復於其際也西漢詔令最爲近古其言曰農事  
傷則饑之本也女紅害則寒之原也又曰老者以壽  
終幼孤得遂長欲臻斯理者舍本務其曷以哉朕每  
巡省風謠樂觀農事於南北土疆之性黍稷播種之  
宜節候早晚之殊蝗蝻捕治之法素愛諮詢知此甚  
晰聽政時恆與諸臣工言之於豐津園之側治田數



畦環以溪水阡陌井然在目桔槔之聲盈耳歲收嘉  
禾數十鍾隴畔樹桑傍列蠶舍浴繭縑絲恍然如茹  
簷蔀屋因構知稼軒秋雲亭以臨觀之古人有言衣  
帛當思織女之寒食粟當念農夫之苦朕倦倦於此  
至深且切也爰臨耕織圖各二十三幅朕每幅製詩  
一章以吟詠其勤苦而書之於圖自始事迄終事農  
人胼手胝足之勞蠶女繭絲機杼之瘁咸備極其情  
狀復命鏤版流傳用以示子孫臣庶俾知粒食維艱  
授衣匪易書曰惟土物愛厥心臧庶於斯圖有所感  
發焉且欲令寰宇之內皆敦崇本業勤以謀之儉以


積之衣食豐饒以共躋於安和富壽之域斯則朕嘉  
惠元元之至意也夫

康熙三十五年春二月社日





惠云天子至意也夫  
蠶之六食蠶桑以共養之也



御製詩

蠶桑志

幽風曾著授衣篇蠶事初興穀雨天更考公桑傳禮  
制先宜浴種向晴川

王二眠

柔桑初剪綠參差陌上歸來日正遲  
郵舍家家簾幕靜春蠶新長再眠時

三眠

紅女勤劬日載陽鳴鳩拂羽恰條桑只因三臥蠶將  
老翦燭多爲夜未央



大起

春深處處掩茅堂滿架吳蠶婦子忙料得今年收繭  
倍冰絲雪縷可盈筐

捉績

連宵食葉正紛紛風雨聲喧隔戶聞喜見新蠶瑩似  
玉燈前檢點最辛勤

分箔

愛逢晴日映疎簾新綠如雲葉漸添天氣晴和蠶事  
廣移筐分箔徧茅檐

採桑

桑田雨足葉蕃滋恰是春蠶大起時負筐攜筐紛笑  
語戴鶯飛上最高枝

上簇

頻執織筐不厭疲久忘膏沐與調饑今朝士女歡顏  
色看我冰蠶作繭時

炙箔

蠶性由來苦畏寒深垂簾幕夜將闌爐頭未蒸松明  
火老媪殷勤日探看

下簇

自昔蠶纈重婦功曾聞獻繭在深宮披圖喜見纍纍



滿茅屋清光積雪同

擇繭

冰繭方堪作素紉重綿亦藉禦深寒就中自有因材  
法揀取筐間次第觀

窄繭

一年蠶事已成功歷數從前屬女紅聞說及時還窄  
繭荷鋤又向綠陰中

練絲

炊煙處處繞柴籬翠釜香生煮繭時無限經綸從此  
出盆頭喜色動雙眉

蠶蛾

蛾兒布子如金粟水際分飛任所之莫令繭絲遺利  
盡來年留作授衣資

祀謝

勞勞拜簇祭神桑喜得絲成願已償自是西陵功德  
盛萬年衣被澤無疆

緯

綠陰揜映野人家每到蠶時靜不譁一自夏初成繭  
後籬邊新聽響繰車

織



從來蠶績女功多當念勤勞惜綺羅織婦絲絲經手  
作夜窗猶自未停梭

無衣卒歲早關情寒氣催人蟋蟀聲茅屋疎籬秋夜  
永短檠相對絡絲成

織紵精勤有季蘭牽絲分理製羅紈鳴機來往桑陰  
裏已作吳綃匹練看

疑膏比潔絡新絲傳得仙方色陸離一代文明資賁

飾須教五采備彰施

攀花

巧樣爭傳濯錦文堪憐織女最殷勤雲章霞綵娛人  
意自著尋常縞布裙

剪帛

手把齊紈冰雪清秋衣欲製重合情逡巡莫漫施刀  
尺萬縷千絲織得成

成衣

已成束帛又縫紉始得衣裳可庇身自昔宮庭多澣  
濯總憐蠶織重勞人







種棉或績或紡衣之所出不同其事於樹桑一也願  
吾民盡力農桑勿好逸惡勞勿始勤終惰勿因天時  
偶歉而輕棄田園勿慕奇贏倍利而輒改故業苟能  
重本務雖一歲所入公私輸用而外羨餘無幾而日  
積月累以至身家饒裕子孫世守則利賴無窮不然  
而捨本逐末豈能若是之綿遠乎至爾兵隸在戍伍  
不事農桑試思月有分給之餉倉有支放之米皆百  
姓輸納以散給爾等各贍身家一絲一粒莫不出自  
農桑爾等既富其利當彼此相安多方捍衛使農桑  
俱得盡力爾輩衣食永遠不匱則亦重有賴焉若地

方文武官僚俱有勸課之責勿奪民時勿妨民事浮  
惰者懲之勤苦者勞之務使野無曠土邑無游民農  
無捨其耒耜婦無休其蠶織卽至山澤園圃之利雞  
豚狗彘之畜亦皆養之有道取之有時以佐農桑之  
不逮庶幾克勤本業而衣食之源溥矣所慮年穀豐  
登或忽於儲蓄布帛充贍或侈於費用不儉之弊與  
不勤等甚且貴金玉而忽菽粟工文繡而廢蠶桑相  
率爲紛華靡麗之習尤爾兵民所當深戒者也自古  
盛王之世老者衣帛食肉黎民不飢不寒富庶富之  
盛而致教化之興其道胥由乎此我



聖祖仁皇帝念切民依嘗刊耕織圖頒行中外所以敦  
本阜民者甚至朕仰惟


聖諭念民事之至重廣為詮解勸爾等力於本務余一  
人衣租食稅願與天下共飽煖也

雍正二年二月初二日

上諭徐樹銘奏請飭各省舉行蠶政等語蠶政與農工並  
重浙江湖北直隸等省均已辦有成效各省宜蠶之地  
尚多卽著各督撫飭令地方官認真籌辦以廣利源欽  
此

光緒二十三年十二月初八日





都察院左都御史臣徐樹銘片

奏再國用之富藏之於民民富則君不至獨貧民貧則君不能獨富古之訓也况戶部籌款剖析毫釐無非取之於民大亂之後民氣未復何以支持然則莫如振斯民自有之利使之通力合作以收天地生產之精華而可以通商惠工以輔國用之不足者爲亟亟也從古大利在於農而阨之以天時之水旱不能全收其利是以西陵氏教民養蠶以補農政之不足周之祚延八百數十載而幽風一篇諄諄於爰求柔桑以伐遠揚載績獻功與農政並重者所以導民以養



之之政而可以爲教化之本也孟子言王道曰五畝之宅樹牆下以桑殷殷爲時君言之至再至三誠以爲欲重民生不能舍本務而但圖末藝也况浙江之湖州湖北之武昌直隸之保定皆已舉行收有成效海內至廣高原宜山蠶下隰宜澤蠶北方養蠶晚南方養蠶早無不可以充衣食資賦稅安忍舉此南北東西數萬里之膏腴沃土而廢棄之不難而畏難苟安而不振以誤生靈而不求富積然則經國用籌兵餉之大者全在乎此其效與農等而無蠲租濟賑之害其利大於鹽而無鹽梟偷漏之害何所畏而不爲

者理合附片瀝陳仰懇


上諭飭令各省督撫一體飭令府廳州縣地方將蠶政事理一一奉行遵者保薦違者參劾不得姑寬亦不得聽其捏辭搪塞庶從古自然之利可以興矣謹恭摺附陳伏乞

聖鑒謹

奏

光緒二十三年十二月初八日





頭品頂戴直隸總督 奴才裕祿跪

奏為舉辦蠶政逐漸擴充以廣利源恭摺仰祈

聖鑒事竊查前准戶部咨光緒二十三年十二月初八日  
奉

上諭徐樹銘奏請飭各省舉行蠶政等語蠶政與農工並  
重浙江湖北直隸等省均已辦有成效各省宜蠶之地  
尚多即著各督撫飭令地方官認真籌辦以廣利源欽  
此當經前督臣王文韶札飭省城蠶桑局移行各屬  
一體遵辦嗣奉本年七月初四日

上諭桑麻絲茶等項均為民間大利所在全在官為董勸



庶幾各治其業成效可觀著各直省督撫督飭地方官各就土物所宜悉心勸辦以濬利源等因欽此又於七

月二十六日奉

上諭刑部奏代遞主事蕭文昭條陳一摺中國出口貨以絲茶爲大宗自通商以來洋貨進口日多漏卮鉅萬恃此二項尙堪抵制乃近年出口之數銳減若非極爲整頓恐愈趨愈下益無以保此利權蕭文昭所請設立茶務學堂及蠶桑公院不爲無見著已開通商口岸及出產絲茶省分各督撫迅速籌議開辦以阜民生而固利源等因欽此復經前督臣榮祿先後檄飭遵照茲據蠶

桑局將歷年辦理蠶桑情形稟覆前來

奴才伏查直

隸蠶桑局自光緒十八年候補道衛杰因直隸地脈深厚外燥內潤蔬果之屬咸勝東南何獨不宜於桑特患經理不得其法未覩其利先耗其資坐視民間自然之利無由而成深爲可惜該道籍隸四川於樹桑育蠶之法嫻習已久擬擇保定傍水之地購覓園塲試種桑株由川招募熟手並令土著隨同學習日後轉相傳導易於見功惟小民可與樂成難於謀始必須官爲倡導迨有成效可觀自視爲身家性命之圖不待官爲課督等情稟經前督臣李鴻章批飭設



局試辦令其切實講求因地制宜冀收得尺得寸之效爲北方關此利源該道旋在省城西關購地一區種植桑秧勤加培護桑株成活蠶業繼興並飭各州縣勸諭紳民承領桑株廣爲栽種一面分頒蠶子刊發蠶桑圖說教以樹桑飼蠶繅絲之法民間知有利益踴躍奉行所出繭絲逐年增多由局收買運滬出售以暢銷路並由四川江浙雇來工匠教授紡織之法學徒領悟如貢緞巴緞江緞大緞浣花錦金銀羅絹帶等項均能仿造上年該局因成效漸著稟經王文韶加派藩臬兩司籌辦以期推行盡利查直隸原

有蠶桑之處向僅深易二州完縣元氏邢臺三縣現在清苑滿城安肅束鹿高陽安州定興望都定州深澤曲陽冀州衡水安平廣昌灤州昌黎撫甯豐潤等州縣在在皆有加以新領桑株各處共五十餘州縣茲據該局開報自光緒十八年起至二十三年止前後發出桑二千一百四十一萬五千株據報成活八九成及六七成不等本年新種成活桑苗二百五十萬株並園存五十八萬四千三百五十株共成三百一十萬四千三百五十株栽桑之法以種甚爲上而蟠根壓條移栽亦可參用接桑之法以根接爲上而



皮接葉接屬接各得其宜計種成桑一株不過值錢  
二文該局所費無幾而民間獲利滋多竊思直隸既  
已設有專局勸辦通省蠶桑卽與公院無異自可毋  
庸更張省南宜蠶之處尙多應飭該局督同各州縣  
因勢利導逐漸擴充務使默化潛移蔚成風俗仰副  
朝廷衣被羣生之至意所有遵辦緣由理合恭摺覆陳伏  
乞


皇太后

皇上聖鑒訓示謹


奏

光緒二十四年九月初六日奉

硃批知道了欽此







蠶桑萃編總目  
 卷一 稽古  
 卷二 桑政

蠶桑萃編總目

卷首

綸音

卷一 稽古

歷代詔制類

歷代勸課類

卷二 桑政

辨土類

辨水類

論耕類

論糞類

辨桑類

辨葉類

辨畦類

禱雨類

種椹類

辨栽類

移栽類

壓插類

接博類

澆灌類

培壅類

耘鋤類

修剪類

護桑類

治蟲類

兼種類

蠶桑萃編

總目



卷三蠶桑

蠶始類

蠶性類

蠶室類

蠶具類

蠶料類

蠶飼類

採葉類

審候類

易器類

留子類

浴子類

生蟻類

收蟻類

育蟻類

頭眠類

二眠類

三眠類

大眠類

上簇類

摘繭類

卷四繅政

繅法類

繅具類

製繭類

煮絲類

卷五紡政

紡絡類

紡器類

水紡類

旱紡類

卷六染政

染始類

染涑類

料物類

色澤類

卷七織政

機具類

工藝類

經緯類

養構蠶織粗細附

緞綢類

卷八綿譜

繭餘類

製綿類

卷九線譜

繭絨類

抽線類

卷十花譜

花卉類

花紋類



卷十一圖譜

桑器圖類

蠶器圖類

紡織器圖類

卷十二圖譜

桑圖詠類

蠶圖詠類

紡織圖詠類

卷十三圖譜

幽風圖詠類

四時圖詠類

卷十四外記

泰西蠶事類

卷十五外記

東洋蠶子類

蠶桑萃編總目終

稽

古



蠶桑萃編卷一

稽古目錄

歷代詔制類

羲皇

唐虞

周

後漢

吳

南齊

北魏

炎帝

夏

秦

蜀漢

晉

梁

北周

軒帝

商

漢制

魏

宋

陳

隋

稽古



唐

後唐

後晉

後漢

後周

遼

宋

金

元

明

歷代勸課類

樹桑

爭桑

宜桑

葉桑

園中桑

旅生桑

附枝

再甚

食甚

蓄甚

八百桑

三百桑

百廿桑

桑重生

丁桑

丁桑

種農隙

充衣

出三輔

五月甚

課桑

畝二株

禁作薪

禁剝桑

母增賦

拔茶

論功差等

母踐桑

頒輯要

戒損桑

收甚

分畦種桑

太守佳名







唐堯見舜於草茅之中席隴畝而蔭庇桑陰桑陰移而受天下

夏

禹貢桑土既蠶九州各篚所織絲之織者六

商

伊陟相大戊桑生亳

周

周公勤相成王德化宣流越裳來貢嘉禾貫桑召伯就蒸庶於阡陌隴畝而聽斷百姓大悅耕桑倍力以勸

穆天子作居范宮以勸桑者遂飲桑中禁暴

秦

秦始皇遣徐福入海求一寸甚桑

漢制

漢文帝十三年二月甲寅詔曰皇后親蠶以奉祭服其具禮儀賜天下孤寡布帛絮各有數

景帝二年夏四月詔曰朕親耕后親蠶以奉宗廟桑盛祭服布告天下使明知朕意

昭帝元平元年春二月詔曰天下以農桑為本

元帝建昭五年春二月詔曰方春農桑與百姓戮力



自盡之時也故是月勞農勸民  
成帝陽朔四年春正月詔曰方東作時其今二千石  
勉勸農桑出入阡陌致勞來之

平帝元始元年六月置大司農丞十一二人人部一  
州以勸農桑

後漢

漢光武中元二年明帝卽位十二月甲寅詔曰方春  
戒節人以耕桑其勅有司務順時氣使毋煩擾

明帝永平二年三月皇后帥公卿諸侯夫人蠶祠先  
蠶禮以少牢

永平三年春正月癸巳詔曰有司勸督農桑夙夜匪  
懈以稱朕意

永平十年夏四月戊子詔曰百姓勉務桑稼以備災  
害吏敬厥職無使愆墮

章帝建初元年春正月丙寅詔曰方春東作宜及時  
務二千石勉勸桑

和帝永元十三年八月詔賜象林貧民失桑業者  
蜀漢

亮爲相時對帝曰成都有桑八百株

魏



黃初七年命中宮蠶於北郊

吳

赤烏三年詔督軍郡守謹察當農桑時擾民者聞奏

晉

晉武帝太康六年楊皇后蠶於西郊

太康九年三月丁丑皇后親蠶於西郊賜帛各有差

元帝太興元年秋七月戊申詔二千石令長課桑州

牧刺史互相檢察

宋

文帝元嘉八年閏六月庚子詔曰自農桑惰業遊食

者眾宜思獎訓導以良規咸使肆力地無遺利耕蠶樹藝各盡其力

孝武帝大明三年冬十月丁酉詔曰古者薦鞠青壇

聿祈多慶分繭元郊以供純服來歲可使六宮妃嬪

修親桑之禮

大明四年始於臺城西白石里爲西蠶設兆域置大

殿七間又立蠶觀三月甲申皇后親蠶

南齊

明帝建武二年春正月己卯詔曰食爲民天義高姬載蠶實生本教重軒經前哲盛範後王茂則布令審



端咸必由之若耕蠶殊眾具以名聞游怠害業即便列奏

建武四年詔所在課田桑

梁

梁元帝大寶三年正月甲戌世祖下令曰軍國多虞戎旃未靜青領雖熾黔首宜安化俗移風常在所急勸耕且戰彌須自許無棄民力並分地利班勒州縣咸使遵承

陳

文帝天嘉元年三月丙辰詔曰今歲軍糧通減二分

之一守宰明加勸課務急農桑庶鼓腹含哺復在茲

日

北魏

明元帝永興三年春二月戊戌詔曰衣食足知榮辱

夫人饑寒切已所急者温飽而已其出宮人以配鰥

民令夫耕婦織

太武帝太平眞君四年六月庚寅詔曰牧守之徒各

厲精爲治勸課農桑

孝文帝二十年七月丁丑詔京民始業農桑爲本

宣武帝景明三年十有二月戊子詔曰民本農桑國



重蠶績桑盛所憑冕織攸寄北京邑初基耕桑暫缺  
遺規往旨宜必祇修今寢殿顯成移御維始重郊無  
遠拂羽有辰便可營表千畝開設宮壇秉耒援筐躬  
勸億兆

北周

後周制皇后率妃嬪夫人至蠶所以太牢奠先蠶西  
陵氏禮畢降壇因以公桑焉

隋

隋制皇后祀先蠶禮畢就桑位於壇東南面尚功進  
金鈎典制奉筐皇后採三條返鈎

唐

唐制皇后歲祀季春吉享先蠶散齋三日於後殿致  
齋一日於正寢遂以親桑皇后受鈎採桑典制奉筐  
受桑妃嬪命婦以次從至蠶室尚功以桑授蠶母蠶  
母切以授媵好媵好鈎蠶灑一薄訖司賓引媵好還  
本位尚儀前奏禮畢  
唐太宗貞觀元年三月癸巳文德后率內外命婦有  
事於先蠶

貞觀九年三月皇后親蠶

高宗永徽三年三月制以先蠶為中祀



顯慶元年三月辛巳皇后親蠶

上元元年三月巳巳皇后親蠶

上元二年三月丁巳天后親蠶

元宗開元元年正月辛巳皇后親蠶

開元十五年五月丁亥夏至賜宰臣及供奉官諸司

長官各蠶絲先帝命宮中養蠶親自臨視欲使嬪御

以下知女工之事及蠶罷獲絲甚多因以賜焉

開元十七年春正月丁酉詔曰獻歲發生陽和在侯

乃晷暍庶方就農桑其力役不及之務一切並停

肅宗乾元元年后親蠶苑中

乾元二年三月巳巳皇后親蠶

上元三年詔天下刺史縣令令於所部勸桑

貞元二十年詔曰理化之本繫乎京師副朕憂人屬

於長吏宜勉務農桑各安生業以舒朕懷

元和七年四月癸巳詔曰農桑務切衣食所資始聞

閭里之間蠶織猶寡所宜勸課以利於人諸道州府

有田戶無桑處每檢一畝令種桑兩根年終長吏具

聞

宣宋大中元年制天下逃戶桑田限五年復業

後唐



明宗天成二年蔡州進新繭

後晉

出帝開運二年嚴禁伐桑

後漢

隱帝乾祐元年申伐桑之禁

乾祐二年太子中允侯仁寶上言請以栽蒔桑棗考課長吏

後周

太祖廣順元年正月勅農桑之務衣食所資一夫不耕有艱食之慮一婦不織有無褐之虞詔諸道府州

長吏宜勸課農桑以豐儲積編民樂業仍倍撫綏

顯德二年詔天下厚農桑薄技巧

顯德三年命工刻木爲耕夫織女狀於禁中召近臣觀之

遼

太祖天贊元年十月甲子始分二部飭國人樹桑麻習組織

太宗會同元年三月壬戌詔有司勸農桑教紡績

會同三年十一月丁丑詔有司教民播種紡績

聖宗統和四年十一月辛卯詔諸軍毋殘南境桑果



統和七年春正月己亥禁部從伐民桑梓  
清寧二年六月乙酉遣使分道勸桑

宋

太祖建隆三年命官分詣諸道申勸課桑之令

神宗熙寧二年分遣諸路常平官專領農田水利民  
增種桑柘者毋得加賦

徽宗政和元年三月己巳詔監司督州縣長吏勸民  
增種桑柘課其多寡為賞罰

政和元年四月詔就先蠶壇之側度地築公桑蠶室  
歲養蠶以供祭服其親蠶可以無斃為名

宣和元年三月甲戌皇后親蠶

宣和六年閏三月辛巳皇后親蠶

乾道六年二月壬寅詔諭大臣均役法嚴限田抑游  
手務農桑一務本二協力三因時

光宗紹熙三年九月丙申勸兩淮民種桑

理宗寶慶三年三月庚戌詔郡縣長吏勸農桑抑末  
作戒苛擾

端平二年春正月己未朔詔勸桑

金

世宗大定五年十二月申伐桑為薪之禁令



章宗明昌元年禁耒作傷農勸民栽桑每地十畝栽桑一畝違者有罪

元

世祖至元十一年三月己卯詔以勸課農桑諭高麗至元二十二年六月乙巳詔以農桑輯要書頒諸路克勤厥職者以次陞獎其怠於事者罷之

成宗元貞元年五月丙申詔以農桑水利論中外

武宗至大三年十月壬申詔諭大司農司課桑

仁宗皇慶二年申諭勸課桑

延祐二年八月庚子詔江浙行省印農桑輯要萬部

頒有司遵守勸課

延祐五年九月癸丑命刊栽桑圖說千帙散之民間

英宗至治二年八月戊寅詔畫蠶麥圖於鹿頂殿壁

以時觀之可知民事

泰定帝致和元年正月丁丑頒農桑舊制十四條於

天下詔勵有司以察勤惰

文宗天祿二年二月戊戌頒行農桑輯要及栽桑圖

至正八年夏四月乙亥詔守令選立社長專以勸課

農桑

明



太祖洪武元年奏准桑麻科徵之額罰不種桑者使出絹一疋栽桑有成者四年後始租

洪武二年二月壬午命皇后率內外命婦蠶於北郊以爲祭祀衣服

洪武五年勅有司以農桑考課

洪武十八年議准農桑起科太重令今後以定數爲額又諭部臣禁末作華靡以無廢農桑之業

洪武二十五年令天下樹桑棗等物

洪武二十六年定桑株起科則例

洪武二十七年令戶部教民多種桑棗每一戶初年

二百株次年四百株三年六百株栽種數目造冊回奏違者遣罰

成祖永樂二年四月乙丑勅諭文武羣臣存恤軍民勸課農桑臻於治理

英宗正統六年命所司行親農桑事

正統八年令各處不出蠶絲處所每絹一疋折銀五錢解京供用

世宗嘉靖始勅禮部以每歲季春皇后親蠶於北郊後改於西苑

嘉靖九年續定親蠶儀制帝曰周禮耕蠶分南北郊



其蠶於禁中唐人便安之制耳不可為法於是禮部  
 請行於北郊酌治蠶禮定壇壝向制採桑器擇掌壇  
 官翟車出入或從東華門或從元武門用謹厚內臣  
 用肅宮禁帝從之其壇制殺先農什一建具服殿蠶  
 室繭館俱如古制仍於西內營織堂一終蠶事  
 嘉靖十三年五月定內苑先蠶壇繭成進絲

歷代勸課類

樹桑

鄭子產開畝樹桑

爭桑

吳王僚因吳邊邑處女與楚邊邑之女爭界上之桑  
 而伐楚

宜桑

齊帶山海膏壤千里宜桑麻

葉桑

鄒魯濱洙泗頗有桑麻之葉



園中桑

後漢汝南尹昆為汝陰功曹令新到官曰園中有桑以食蠶

旅生桑

陳疇為巫令桑旅生二萬餘株民以為給

吳王附枝

張堪為漁陽太守勸民耕種百姓歌曰桑無附枝麥秀兩歧張君為政樂不可支

再葑

獻帝興平元年九月桑再葑到元德軍於沛年荒軍

士以為糧

食葑

表詔在河北軍人仰給桑葑為食

蓄葑

楊沛為新鄭長課民益蓄桑葑積浸千餘斛太祖天子軍無糧沛乃進乾葑

北燕八百桑

諸葛亮表後主曰成都有桑八百株薄田五十頃子孫食衣自有餘饒

晉令三百桑官舍官桑皆餘之其無桑又不滿三百



晉令丞尉以官舍有桑皆給之其無桑及不滿三百株皆使吏卒隨開於官舍種桑滿三百株

百廿桑

北燕馮跋下書曰今田畝荒穢有司不隨督察欲令家給人足不亦難乎桑柘之益有生之本此土少桑人未見利可令戶植桑一百二十株

桑重生

後燕錄曰初晃之遷龍城也植松為杜主及秦滅燕大風吹拔之後數年社忽有二桑根生焉先是遼川無桑及虜通於晉求種

丁桑

沈瑀為建德令教一丁種桑十五株女丁半之人咸悅頃之成林

丁桑

齊河清三年令每丁給永業二十畝為桑田其中種桑五十根

種農隙

蘇綽兼司農卿奏曰三農之隙及陰雨之暇當教人

種桑

充衣



唐李能譽謂子孫曰吾性不好貨遂至貧乏然吾近  
京城有賜田十頃桑若干根可以充衣

出三輔

范子計曰桑出三輔

五月甚

汜勝之書五月取椹著水濯洗取子陰乾之好治肥  
田十畝荒久不耕者尤好耕治之黍椹子各三升合  
和種之黍桑當頃俱生鋤之桑令稀疏桑正與黍高  
下平因以利鎌歷地刈之暴令燥後有風調放火燒  
之當逆風起火桑至春生一畝食三薄蠶

課桑

隋高祖登庸无丁男中男永業露田皆遵後齊之制  
並課以桑

畝二株

唐元和七年夏四月勅天下州府民戶每田一畝種  
桑二株長吏逐年合計以聞

禁作薪

會昌二年四月勅勸課種桑比有勅命如能增數每  
歲申聞比和並無恣加剪伐列於鄜市賣作薪蒸自  
今州縣所由切宜禁斷



禁剝桑

宋太祖詔在官吏諭民有能廣植桑墾闢荒田者止輸舊租民伐桑為薪者罪之剝桑者分首從定罪

毋增賦

熙甯元年勸民栽桑帝曰農桑者衣食之本民種桑柘毋得增賦

拔茶

張詠為崇陽令令民拔茶栽桑

論功差等

乾道元年都省言淮民失業宜先勸課農令丞植桑

三萬株至六萬株守倅部內植二十萬株以並論賞有差

毋踐桑

元世祖中統三年詔征戎軍士及勢官毋縱畜傷禾稼桑棗又詔種植桑棗不得擅興不急之役妨奪農時

頒輯要

世祖即位之初詔天下國以民為本民以衣食為本食衣以農桑為本於是頒各路農桑輯要之書至元七年又頒農桑之利



戒損桑

大德年申擾農之禁縱畜牧損桑者責其償而後罪之

收甚

至大二年淮西廉訪事苗好謙獻種蒔之法其說分農民為三等上戶地十畝中戶五畝下戶三畝或一畝皆築園之以時收桑甚依法種植武宗善而行之

分畦種桑

延祐三年以好謙所植桑皆有成效令如社出地其時桑苗以社長領之分給如社四年又令民各畦種

之

太守佳名

姜彧知濱州時行營軍士多占民田壤民桑棗彧言於中書遣官分畫疆界強猾者治之課民種桑民謂太守桑



大在桑

州中書書官公

美如映前州部計營軍士參古另田與另桑表類官

太守封谷

蠶桑萃編稽古卷一

